


文
章
類
選

廿六卷

符命類



文章類選卷之二十六

符命類

劇秦美新并序

楊子雲

諸吏中散大夫臣雄稽首再拜上封事皇帝陛下臣
 雄經術淺薄行能無異數蒙渥恩拔擢倫比與羣賢
 並位愧無以稱職臣伏惟陛下至聖之德龍興登庸
 欽明尚古作民父母為天下主執粹精之道鏡照四
 海聽聆風俗博覽廣包參天貳地兼並神明配五帝
 冠三王開闢已來未之聞也臣誠樂昭著新德光之
 罔極往時司馬相如作封禪文一篇以彰漢氏之休
 臣嘗有顛胸_縣病恐一旦先犬馬填溝壑所懷不章
 長恨黃泉敢竭肝膽寫腹心作劇秦美新一篇雖未
 究萬分之一亦臣之極思也臣雄稽首再拜以聞曰
 權輿天地未祛_{野野}野野或玄而萌或黃而牙

玄黃剖判上下相嘔惜爰初生民帝王始存在乎混
混茫茫之時覺聞罕漫而不昭察世莫得而云也厥
有云者上罔顯於犧皇中莫盛於唐虞邇靡著於成
周仲尼不遭用春秋因斯發言神明所祚兆民所託
罔不云道德仁義禮智獨秦崛起西戎邠荒岐雍之
疆因襄文宣靈之潛跡立基孝公茂惠文奮昭莊至
政破縱擅衡橫并吞六國遂稱乎始皇盛從鞅仲儀
韋斯之邪政馳驚為起剪恬賁奔之用兵剗滅古文刮
語燒書弛禮崩樂塗民耳目遂欲流唐漂虞滌殷蕩
周難然除仲尼之篇籍自勤功業改制度軌量咸稽
之於秦紀是以耆儒碩老抱其書而遠遜禮官博士
卷其古而不談來儀之鳥肉角之獸狙狝獷豔而不
臻甘露嘉醴景曜浸侵灑滂之瑞潛大藉滂經賈賈
巨火鬼信之妖發神歇靈液海水羣飛二世而亡何

其劇與帝王之道兢兢乎不可離已夫能貞而明之
者窮祥瑞回而昧之者極妖愆上覽古在昔有憑應
而尚缺焉壞徹而能全故若古者稱堯舜威侮者陷
紂紂况盡汎端前聖數千載功業專用已之私而能
享祐者哉會漢祖龍騰豐沛奮迅宛宛葉葉自武關
與項羽戮力咸陽創業蜀漢發跡三秦克項山東而
帝天下適秦政慘酷尤煩者應時而蠲如儒林刑辟
歷紀圖典之用稍增焉秦餘制度項氏爵號雖違古
而猶襲之是以帝典闕而不補王綱弛而未張道極
數殫聞忽不還逮至大新受命上帝還資后土顧懷
玄符靈契黃瑞涌出渾必渤渤勿勿滴滴幸川幸流海海滄滄
雲動風偃霧集雨散誕彌八圻上陳天庭震聲日景
炎光飛響盈塞天淵之間必有不可辭讓云爾於是
乃奉若天命窮寵極崇與天剖神符地合靈契創億

托規萬世奇偉個儻譎詭天祭地事其異物殊怪存
乎五威將帥班乎天下四十有八章登殿格皇穹鋪
衍下土非新家其疇離之卓哉煌煌真天子之表也
若夫白鳩丹鳥素魚斷蛇方斯蔑矣受命甚易格來
甚勤昔帝纘皇王纘帝隨前踵古或無為而治或損
益而亡豈如新室委心積意儲思垂務旁作穆穆明
旦也木寐勤勤懇懇者非秦之為與夫不勤勤則前
人不當不懇懇則覺德不愷是以發祕府覽書林選
集乎文雅之圖翱翔乎禮樂之場徹殷周之失業紹
唐虞之絕風懿律嘉量金科玉條神卦靈兆古文畢
發炳煥照耀靡不宣臻式軫軒旂旗以示之揚和鸞
肆夏以節之施黼黻袞冕以昭之正嫁娶送終以尊
之親九族淑賢以穆之夫改定神祇上儀也欽脩百
祀咸秩也明堂雍臺壯觀也九有長壽極孝也制成

六經洪業也北懷單于廣德也若復五爵度三壤經
井田免人役方甫刑匡岳法恢崇祇庸燦德懿和之
風廣被措紳講習言練箴誦之塗振鸞之聲充庭鳴
鸞之黨漸階俾前聖之緒布漢流衍而不韞積郁郁
乎煥哉天人之事盛矣鬼神之望允塞羣公先正罔
不夷儀姦宄寇賊罔不振威紹少典之苗著黃虞之
裔帝典闕者已補王綱弛者已張炳炳麟麟豈不懿哉厥
被風濡化者京師沈潛甸內布洽侯衛厲揭要荒濯
沐而述前典巡四民迄四嶽增封泰山廣禪梁甫斯
受命者之典業也蓋受命日不暇給或不受命然猶
有事矣况堂堂有新正丁厥時崇嶽滄庭海通瀆之
神咸設壇場望受命之臻焉海外遐方信延頸企踵
回面內嚮喁喁如也帝者雖勤讓惡焉可以已乎
宜命賢哲作帝典一篇奮三為一襲以示來人摘之

罔極令萬世常戴巍巍履栗栗臭馨香含甘實鏡純粹之至精聆清和之正聲則百工伊凝庶績越熙荷天衢提地釐斯天下之上則已庶可試哉

典引

班固

臣固言永平十七年臣與賈逵傅毅杜矩展隆郝萌等召詣雲龍門小黃門趙宣持秦始皇帝本紀問臣等曰太史遷下贊語中寧有非邪臣等對曰此贊賈誼過秦篇言向使子嬰有庸主之才僅得中佐秦之社稷未宜絕也此言非是即召臣入問本聞此論非邪將見問意開寤耶臣具對素聞知狀謔因曰司馬遷著書成一家言揚名後世至以身陷刑之故反微文刺譏貶損當世非誼士也司馬相如誇行無節但有浮華之詞不周於用至於疾病而遺忠主上求取其書竟得頌述功德言封禪事也臣效也至是

遠矣臣固常伏刻誦聖論昭明好惡不遺細微緣事斷誼動有規矩雖仲尼之因史見意亦無以加臣固被學最舊受恩浸深誠思畢力竭情昊天罔極臣固頓首伏惟相如封禪靡而不典揚雄美新典而無實然皆游揚後世垂為舊式臣固才朽不及前人蓋詠雲門者難為音觀隨和者難為珍不勝區區竊作典引一篇雖不足雍容明盛萬分之一猶樂啟發憤懣覺悟童蒙光揚大漢軼聲前代然後退入溝壑死而不朽臣固愚戇頓首頓首曰太極之元兩儀始分烟燭焜焜有沈而奧有浮而清沈浮交錯庶類混成肇命民主五德初起同于草昧玄混之中踰繩越契寂寥而亡無詔者系不得而綴也厥有氏豨紹天闡繹亦莫不開元於太昊皇初之首上哉復乎其猶可得而脩也亞斯之世通變神化函含光而未推若

夫上稽乾則降承龍翼而炳諸典謨以冠德卓緯者
莫崇乎陶唐陶唐舍胤而禪有虞有虞亦命夏后稷
契熙載越成湯武股肱既周天迺歸功元首將授漢
劉俾其承三季之荒末值亢龍之災孽懸象闇而懼
文乖彛倫敦而舊章缺故先命玄聖使綴學立制宏
亮洪業表相祖宗贊揚迪哲備哉繁爛貞聖明之式
雖臯夔衡旦密勿之輔比茲福矣是以高光二聖宸
居其域時至氣動乃龍見淵躍附翼而未舉則威靈
紛紛海內雲蒸雷動電標胡縊莽分尚不粒其誅然
後歛若上下恭輯羣后正位度宗有于德不台淵穆
之讓靡弭師矢敦奮撫之容蓋以膺當天之正統受
克讓之歸運蓄炎上之烈精蘊孔佐之弘陳云爾洋
洋乎若德帝者之上儀誥誓所不及已鋪觀二代洪
緘之度其蹟可探也並開迹於一簣同受侯甸之服

升世勤民以方伯統牧乘其命賜彤弧黃鉞之威用
討韋顧黎崇之不恪至于參三五華夏京遷鎬皓毫
遂自北面虎螭其師革滅天邑是故誼士華而不敦
武稱未盡護有勲德不其然與亦猶於烏穆猗邠翕
純皦皎釋亦以崇嚴祖考殷薦宗配帝發祥流慶對
越天地者焉亦乎千載豈不克自神明哉誕略有常
審言行於篇籍光藻朗而不渝耳矧夫赫赫聖漢巍
巍唐基沂測其源乃先孕虞育夏甄殷陶周然後宣
二祖之重光襲四宗之緝熙神靈日照光被六幽仁
風翔乎海表威靈行乎鬼區應亡無回而不泯微胡
瑋而不頤故夫顯定三才昭登之績匪堯不興鋪聞
遺策在下之訓匪漢不弘厥道至於經緯乾坤出入
三光外運渾元內霽豪芒性類循理品物咸亨其已
久矣盛哉皇家帝世德臣列辟功君百王榮鏡宇宙

尊亡與允乃始虔華勞謙兢兢業業貶成抑定不敢
論制作至於遷正黜色宜之事煥揚寓內而禮官
儒林屯用篤誨之士不傳祖宗之髣髴雖云優渥無
乃惠死與於是三事無之察發爾而進曰陛下仰
監唐典中述祖則俯蹈宗軌躬奉天經惇敦睦睦章
之化洽巡靖黎蒸懷保無寡之惠浹播瘞懸流肅祇
羣神之禮備是以來儀集羽族於觀魏內角馴毛宗
於外固擾緇文皓質於郊升黃輝采麟於沼甘露膏
零於豐草三足軒翥於茂樹若乃嘉穀靈草奇獸神
禽應圖合謀窮祥極瑞者朝夕矧日月邦畿卓犖
方州洋溢乎要荒昔周姬有素雉朱鳥玄柜黃鸞莫
之事耳君臣動色左右相趨濟濟其其峨峨如也蓋
用昭明黃畏承聿懷之福亦以寵靈文武貽燕後昆
履以懿錄豈其為身而有顯辭昔然受之亦宜勤德

旅力以充厥道啟恭館之金勝御東序之秘寶以流
其占夫圖書亮章天哲也孔絲先命聖乎也體行德
本正性也逢吉丁辰景命也順命以創制因定以和
神答三靈之蕃祉展放唐之明文茲事體大而允寤
寐次於心瞻前顧後豈燕消廟憚勅天命也伊考自
遠右乃降戾爰茲作者七十有四人有不俾而假素
罔光度而遺章今其如台而獨闕也是時聖上固以
垂精遊神苞舉藝文屢訪軍儒俞咨故老與之斟酌
道德之淵源脩嚴仁義之於數以望元符之臻焉既
感羣后之讜辭又悉經五以之碩慮矣將緝萬嗣
揚洪輝奮景炎扇遺風播力烈久而逾新用而不竭
汪汪乎五天之大律其疇如亘之哉唐哉皇哉皇哉
唐哉

負罪臣宗元惶恐言臣所賦州流人吳武陵為臣言
董仲舒對三代受命之符誠然非耶臣曰非也何獨
仲舒爾自司馬相如劉向功雄班彪彪子固皆必襲
嗤嗤推古瑞物以配受命其言類淫巫瞽史誑亂後
代不足以知聖人立極之本顯至德揚大功盛失厥
趣臣為尚書郎時嘗著貞行言唐家正德受命於生
人之意累積厚久宜享無疆之義本末閔閔會貶逐
中輟不克備究武陵即叩一明邀臣此大事不宜以辱
故休缺使聖王之典不立無以抑詭類按正道表覈
萬代臣不勝奮激即具為言念終泯沒蠻夷不聞于
時獨不為也苟一明大道施于人世死無所憾用是
自決臣宗元稽首拜手以聞曰

孰稱古初朴蒙空侗而無子歎流以訛越乃奮效闕
怒振動專肆為淫威曰是不知道惟人之初惚惚而
生林林而羣雪霜風雨雷電暴其外於是乃知架巢
空穴換草木取皮革飢渴牝牡之欲歐其內於是乃
知噬禽獸咀果穀合而居交焉而爭睽焉而鬪力
大者搏齒利者齧爪而居交焉而爭睽焉而鬪力
披藉藉草野塗血然彼強有力者出而治之徃徃為
曹於險阻用號令起而君臣什伍之法立德紹者嗣
道怠者奪於是有聖人焉曰黃帝遊其兵車交臂手
其內一統類齊制量然猶大公之道不克建於是有
聖人焉曰堯置州牧一岳持而綱之立有德有功有
能者參而維之運臂而指屈伸把握莫不統率年老
舉聖人而禪焉大公乃克建由是觀之厥初罔匪極
亂而後稍可為也而非德不樹故仲尼叙書於堯曰
克明俊德於舜曰濬哲文明於禹曰文命祗承于帝
於湯曰克寬克仁彰信兆民於武王曰有道曾孫瓘

揆典誓貞哉惟茲德實受命之符以莫求祀後之妖
淫囂昏好怪之徒乃始陳大電大虹玄鳥巨跡白狼
白魚流火之鳥以爲符斯皆詭譎闊誕其可羞也而
莫知本于厥貞漢用大度古之懷于有氓豈能庸賢濯
疾煦寒以瘳以然茲其爲此也而其妄臣乃下取虺
蛇上引天光推類號休用去子誣於無知氓增以駟虞
神鼎費駭縱吏俾東之泰山石閭作大號謂之封禪
皆尚書所無有莽述承效于奮驚逆其後有賢帝曰
光武克綏天下復承舊物猶崇赤伏以祐厥德魏晉
而下危亂鉤裂厥符不貞邦用不靖亦司克久駁乎
無以議爲也積大亂至于隋氏環四海以爲鼎跨九
垠以爲鑪囊以毒燎燔以虐焰其人沸湧灼爛號呼
騰泊莫有救止於是大聖乃起丕降霖雨濬滌盪決
蒸爲清氛疏爲冷風人乃滲然休然相睇以塵相持

以成相彌以寧琢斲屠剔膏流節離之禍不作而久
乃克完平舒愉尸其肌膚以達于夷遠焚垢抵倚奔
走轉死之害不起而人乃克鳩類集族歌舞悅懌用
祇于元德徒奮袒呼嚆迎義旅謹動六合至于麾下
大盜豪據阻命遏德義威殄戮咸墜厥緒無劉于虐
人乃並受休嘉去隋氏克歸于唐躑躅謳歌灑灑和
寧帝庸威栗惟人之爲敬莫厥賦積藏于下是謂豐
國鄉爲義廩欵發謹飭歲丁大侵人以有年簡于厥
刑不殘而懲是謂嚴威小屬而支大生而孥愷悌祇
敬用底于治凡其所欲不謁而獲凡其所惡不祈而
息四夷稽服不作兵革不竭貨力丕揚于後嗣用垂
于帝式十聖濟厥治孝仁平寬惟祖之則澤久而逾
深仁增而益高人之戴唐永永無窮是故受命不于
天于其人休符不于祥于其仁惟人之仁匪祥于天

匪祥于天茲惟貞符哉未有喪仁而久者也未有恃
祥而壽者也商之王以桑穀昌以雉雒大宋之君以
法星壽鄭以龍襄魯以麟弱白雉亡漢黃犀死莽惡
在其為符也不勝唐德之代先紹明濬深鴻厓大保
人斯無疆宜薦于郊廟文之雅詩祇告于德之休帝
曰謚哉乃黜休祥之奏究貞符之奧思德之所未大
求仁之所未備以極于邦治以敬于人事其詩曰
於穆敬德黎人皇之惟貞厥符浩浩將之仁函于膚
刃莫畢屠澤燬于爨瀟炎以泮殄厥凶德乃馭乃夷
懿其休風是煦是吹父子熙熙相寧以嬉賦徹而藏
厚我糗糒刑輕以清我完靡傷貽我子孫百代是康
十聖嗣于治仁后之子子思孝父易患于已拱之戴
之神具爾宜載揚于雅豈天之嘏天之誠神宜鑒于
仁神之曷依宜仁之歸僕沿于北祝乘于南幅負西

冊文類

武帝封齊王冊

惟元狩六年四月乙巳皇帝使御史大夫湯廟立于
闕為齊王嗚呼小子閎受茲青社朕承天序惟稽古
建爾國家封于東土世為漢藩輔嗚呼念哉共朕之
詔惟命不于常人之好德克明顯光義之不圖俾君
子怠悉爾心允執其中天祿永終厥有愆不臧廼凶
于廼國害于爾躬嗚呼保國乂民可不敬與王其戒
之

封燕王冊

嗚呼小子旦受茲玄社建爾國家封于北土世為漢
潘輔嗚呼薰鬻氏虐老獸心以姦巧邊此朕命將率
祖征厥罪萬夫長千夫長三十有二帥降旗奔師薰
鬻徒域北州以安恣爾心毋作怨毋作桀德毋殛廢
備非教士不得從徵王其戒之

封廣陵王冊

嗚呼小子胥受茲赤社建爾國家封于南土世為
漢潘輔古人有言曰大江之南五湖之間其人輕心
揚州保疆三代要服不及以正嗚呼悉爾心祗祗兢
兢廼恭廼順毋相好逸毋適宵人惟法惟則書云臣
不作福不作威靡有後蓋王其戒之

昭帝賜韓福冊

朕閱勞以官職之事其務修孝弟以教鄉里今郡縣
常以正月賜羊酒有不幸者賜衣被一襲祠以中牢

光武賜諸侯冊

冊曰在上不驕高而不危制節謹度滿而不溢敬之
戒之傳爾子孫長為漢藩

魏王九錫冊文

潘元茂

帝詔使持節丞相領冀州牧武平侯朕以不德少遭
閔凶越在西土遷于唐衛當此之時若綴旒然宗廟
之祀社稷無位羣凶覬覦連帶城邑一人尺土朕無
獲焉即我高祖之命將墜於地朕用夙興假寐震悼
于厥心曰惟祖惟父股肱先正其孰恤朕躬乃誘天
衷護育丞相保乂我皇家弘濟于艱難朕實賴之今
將授君典禮其敬聽朕命昔者董卓初興國難羣后
釋位以謀王室君則攝進首啓戎行此君之忠於本
朝也後及黃巾反易天常侵我三州延于平民君又
討之翦除其跡以寧東夏此又君之功也韓暹楊奉

專用威命又賴君勲剋然其難遠建許都造其京畿
設官先祀不失舊物天地鬼神於是獲久此又君之
功也袁術僭逆肆于淮南憚憚君靈用丕顯誅斬陽
之役橋蕤授首稜威南厲術以殲續此又君之功也
迴戈東指呂布就戮乘軒將返張揚沮斃眭固伏罪
張繡稽伏此又君之功也袁紹逆常謀危社稷憑恃
其衆稱兵內侮當此之時王師寡弱天下寒心莫有
固志君執大節精貫白日奮其武怒運諸神策致屆
官度大殲醜類俾我國家拯於危墜此又君之功也
濟師洪河拓定四州表譚高幹咸梟其首海盜奔迸
黑山順軌此又君之功也烏丸三種崇亂二世袁尚
因之逼據塞北東馬懸車一征而滅此又君之功也
劉表背誕不供貢職王師首路威風先逝百城八郡
交臂屈膝此又君之功也馬超成三同惡相濟濱據

河潼求所逞欲殄之渭南獻馘萬計遂定邊城撫和
戎狄此又君之功也鮮卑丁令重譯而至單于白屋
請吏帥職此又君之功也君有定天下之功重以明
德班敘海內宣美風俗旁施勸教恤復刑獄吏無苛
政民不回慮敦崇帝族接繼絕世善德前功罔不咸
秩雖伊尹格于皇天周公光于四海方之蔑如也朕
聞先王並建明德昨之以土分之以民崇其寵章備
其禮物所以蕃衛王室左右厥世也其在周成管蔡
不靖懲難念功乃使邵康公錫齊太公履東至于海
西至於河南至于緜陵北至于無棣五侯九伯實得
征之世祚太師以表東海爰及襄王亦有楚人不供
王職又命晉文登為侯伯錫以二輅虎賁鈇鉞鉅鬯
弓矢大略南陽世作盟主故周室之不壞繫二國之
是賴今君稱丕顯德明保朕躬奉答天命導揚弘烈

綏爰九域罔不率俾

功高乎伊周而賞卑乎齊

昔朕甚憇焉朕以眇身託于兆民之上永思厥艱若涉淵水非君攸濟朕無任焉今以其州之河東河內魏郡趙國中山鉅鹿常山安平甘陵平原凡十郡封君為魏公使使持節御史大夫慮綬君印綬冊書金虎符第一至第五竹使符第一至第十右錫君玄土首以白茅爰契爾龜用建冢社昔在周室畢公毛公入為卿佐周師保出為二伯外內之任君實宜之其以丞相領冀州牧如故令更下傳璽肅將朕命以允華夏其上故傳武平侯印綬令又加君九錫其敬聽後命以君經緯禮律為民軌儀使安職業無或遷志是用錫君大輅戎輅各一玄牡二駟君勸分務本嗇民昏作粟帛滯積大業惟興是用錫君衮冕之服赤舄副焉君敦尚謙讓俾民興行少長有禮上下咸和

是用錫君軒懸之樂六佾之舞君翼宣風化爰發四方遠人回面華夏充實是用錫君朱戶以居君研其明哲思帝所難官才任賢羣善必舉是用錫君納陛以登君秉國之均正色處中纖毫之惡靡不抑退是用錫君虎賁之士三百人君糾虔天刑章厥有罪犯關干紀莫不誅殛是用錫君鈇鉞各一君龍讓虎視旁眺八維掩討逆節折衝四海是用錫君彤弓彤矢百茲盧弓十茲矢千君以溫恭為基孝友為德明允為誠感乎朕思是用錫君鉅鬯一自珪璜副焉魏國置丞相以下羣卿百僚皆如漢初諸王之制君往欽哉敬服朕命簡恤爾眾時亮庶功用終爾顯德對揚我高祖之休命

告謝昊天上帝冊文

陸贄

維貞元元年歲次乙丑十一月癸巳朔十一日癸卯

嗣天子臣其敢昭告于昊天上帝顧惟寡昧不克明
道丕膺眷命俾作神主常恐獲戾上下而播災於人
說兢業夙夜祗畏居位五祀德馨茂聞皇靈不歆
是用大儆股憂播蕩踰歷三時誠懼烈祖之耿光墜
而不耀側身思咎庶補將來上帝顧懷諄衷悔禍勦
兇慝之凌暴雪人神之憤耻舊物不改神心載新茲
乃九廟遺休兆人介福以臣之責其何解焉間屬寇
虞久稽告謝今近郊甫定長至在辰謹以玉帛犧齊
粢盛庶品冀憑裡燎式薦至誠太祖景皇帝配神作
主尚饗

皇帝尊號玉冊文

姚燧

維至大二年正月乙酉朔越七日辛卯皇太子中書
令樞密使臣某謹率中外文武百僚頓首頓首謹言
昔我

世祖既平炎趙質之於書幅負廣長振古無倫覆燾
之下八紘萬國莫敢不庭何獨一王西北岸然憑道
阻脩方命正朔德綏之而不摯威董之而不讐夫豈
不能聲罪致罰深入其地終以聖仁親其宗親包荒
有年成宗繼序憤久驚頽天鑒昭明於裕皇孫獨
異陛下授以

太祖皇帝信寶撫軍漢北是固以張足付神器之本
時未及冠承命即行其視萬里莽閭寒冽之鄉不遠
不難如堂適庭至則獎厲諸軍脩明法制簡拔果毅
均苦分勞解衣燠寒推食飲飢沈沈沈沈上氣曰作
睿筭伐謀待寇歲至奪人以先身踐戎行霆馳電擊
大北其羣虛已不矜日慎一日始終十年不徂屢勝
狂狡不懲悉銳來加當以選鋒伺間出奇盡襲輜重
彷徨無歸度不能軍老覩累繫降口百萬致茲教寧

平四十年未靖之梗成兩 祖宗未究之志天下之
人聞其風聲思覩天光者顯顯翹翹九圍一心握是
乾符歸正宸極弛武事之風習洽新化以文治立愛
自親曾未詢決上尊

太后問安以時下建儲宮庶政是先又舉 列聖未
遑之典欽崇元祀玉璜黃流薦禋太室還蹕龍興併
徇

太祖龍沂九旂創金于斯肇基帝業為城中都又以
孔子垂範百王將二千年而顯謚未稱加大成於至
聖文宣王上立勢于軍與凡庭臣悉大賚之間歲不
登既賑既恤震施未博民罹罪咎再肆大有至德難
名赫赫巍巍惟為大樹一漏萬井觀如

斯求可盡臣下歸美報上者惟是微稱謹奉玉冊至
寶上尊號曰 統天繼聖欽文英武大章孝皇帝欽

惟

陛下立心天地五極生民茂對鴻名于億萬年

皇太子冊文

徒奉公履

皇帝若曰 祖宗靈緒承承玉顯之謨兄弟懿親宜

正元良之號立天下之大本示天下以至公咨爾皇

太子 德器淵深美姿玉粹武奮清宮之偉績文

參定策之殊勳豈特華華交輝之情或相好矣其在

是驚守成之治頌汝贊之故於建枝同氣之間付以

監國撫軍之任茲上承於

母意蓋允出於朕心已於六月朔日授爾皇太子

金寶今復遣攝太尉丞相塔思不花持節授爾玉冊

維寵命之尊庸而謙恭而自牧益益尊親之孝益勤

事上之忠以敷九族內睦之風以衍億祀無疆之慶

皇后冊文

維維

維皇慶二年歲次庚午二月辛卯朔越十六日丙午

皇帝若曰朕荷天地祖宗之祐

皇太后之訓躬大慶服思底于治必主元配表正六

宮咨爾弘者利大寔我家世威靖嗣所自出積德流

慶建緒維來順于朕淑慎維養令譽昭聞承命慈闈

爰正爾位今遣攝太尉中書右丞相禿忽魯拔爾玉

冊玉寶命爾為皇后惟天地定位萬物以生日月正

照萬國以明君后合德萬化以成上以事上帝奉

宗廟下以親九族正萬邦為朕內助惟爾之賢其永

念取德履中禮順俾聖母暨予一人以寧豈惟爾

嘉天亦來相念爾共事我有國欽哉

皇后冊文

素楠

皇帝若曰在昔正始之道必先內治予以奉承宗

桃化成天下朕嗣大歷服祇循憲章宜資配助用

位號咨爾皇后菴吉刺氏淑慎柔嘉遵道是行輔佐

王邸謙抑自持寔生元子國本斯建興龍重鎮介子

紹封粵若臨御之初贊畫計慮厥切維多正位中宮

天人協祥今遣攝太尉中書右丞相旭邁傑授爾玉

冊寶章坤順承天人道攸則表正母儀萬邦是觀惟

躬儉節用則徽音是嗣惟求賢審官則私謁靡于匡

朕德格朕心實為有賴詩書所稱罔專美于前代噫

敬厥初終有慶尚其念之以膺爾景命

赦類

赦天下 漢赦

蓋聞聖賢在位陰陽和風雨時日月光星辰靜黎庶

寧考終厥命令朕恭奉天地託于公侯之上明不能

燭德不能綏災異並臻連年不息乃二月戊午地震

于隴西郡毀落太上皇廟殿壁木飾壞敗獮道縣城郭官寺及民室屋壓殺人衆山崩地裂水泉涌出天惟降災震驚朕師治有大虧咎至於斯夙夜兢兢不通大變深惟鬱悼未知其序間者歲數不登元元困乏不勝飢寒以陷刑辟朕甚閔之郡國被地動災甚者無出租賦赦天下有可蠲除減省以便萬姓者條奏毋有所諱丞相御史中二千石舉茂材異等直言極諫之士朕將親覽焉

赦天下 漢赦

廼者火災降於孝武園館朕戰栗恐懼不燭變異咎在朕躬羣司又未肯極言朕過以至於斯將何以寤焉百姓仍遭凶阨無以相振加以煩擾乎苛吏拘牽乎微文不得未終性人朕甚閔焉惟烝庶之飢寒遠離父母妻子勞於非此之作衛於下居之宮恐非所

以佐陰陽之道也其罷甘泉建章宮衛令就農百官各省費條奏毋有所諱有司勉之母紀四時之禁丞相御史舉天下明陰陽災異者各三人

赦殊死以下 漢赦

惟天水隴西安定北地吏人為隗囂所誑誤者又三輔遭難赤眉有犯法不道者自殊死以下皆赦陰之即位赦天下 漢赦

制詔丞相太尉御史大夫間者諸呂用事擅權謀爲大逆欲危劉氏宗廟賴將相列侯宗室大臣誅之皆伏其辜朕初即位其赦天下賜民爵一級女子百戶牛酒酺五日

奉天改元赦

陸贄

門下致理興化必在推誠忘己濟人不悞改過朕躬服丕構君臨萬邦失守宗桃越在草莽不念率德誠

莫追於既往未言思咎期有復於將來明徵厥初以示天下惟我烈祖邁德庇人致俗化於和平拯生靈於塗炭重熙積慶垂二百年伊爾卿尹庶官洎億兆之衆代受亭育以迄于今功存于人澤及於後肆予少孳獲績鴻業懼德不嗣罔敢怠荒然以長於深宮之中指於經國之務積習易溺居安忘危不知稼穡之艱難不察征戍之勞苦澤靡下究情不上通事既壅隔人情疑阻猶昧省已遂致興戎徵師四方轉運千里賦車籍馬遠近騷然行齋居送衆庶勞止或一日屢交鋒刃或連年不解甲冑祝莫之主室家靡依生死流離怨氣凝結力役不息田萊多荒暴命峻於誅求渡吐空於杼軸轉死溝壑離去鄉閭邑里丘墟人煙斷絕天譴於上而朕不寤人怨於下而朕不知馴致亂階變興都邑賊臣乘登肆逆滔天曾莫愧畏敢

行凌逼萬品失序九廟震驚上辱於祖宗下負於黎庶痛心醜貌罪實在乎求言愧悼若墜淵谷賴夫天地降祐人神叶謀將相竭誠爪牙宣力除大盜載張皇維將弘永圖必布新命朕晨興夕惕惟念前非乃者公卿百僚累抗章疏擬以徽号加于朕躬固辭不獲俯遂輿論昨因循省良用矍然体陰陽不測之謂神與天地合德之謂聖顧惟淺昧非所宜當文者所以化成武者所以定亂今化之不被亂是用兵豈可更徇群情苟膺虛美重予不德祇益懷慙自今已後中外所上書奏不得更稱聖神文武之號夫人情不常係於時化大道既隱亂獄滋豐朕既不能弘德尊人又不能一法齊衆苟設密網以羅非辜為之父母實增愧悼今上元統曆獻歲發生宜革紀年之號式敷在宥之澤與人更始用答天休可大赦天下改

建中五年為興元元年自正月一日昧爽已前大肆
罪已下罪無輕重咸赦除之李希烈田悅王武俊李
納等有以忠勞在膺將相有以勲舊繼守藩維朕撫
馭乖方信誠靡著致令疑懼不自保安兵興累年海
內騷擾皆由上失其道下罹其災朕實不君人則何
罪屈已弘物予何愛焉庶懷引慝之誠以治好生之
德其李希烈田悅王武俊李納及所管將士官吏等
一切並與洗滌各復爵位待之如初仍即遣使分道
宣諭未滄雖與賊此連坐路遠未必同謀朕方推至
誠務欲弘貸如能効順亦與惟新其河南河北諸軍
兵馬並宜各於本道自固封疆勿相侵軼朱泚大為
不道棄義戾思反易天常盜竊名器暴犯陵寢所不
忍言獲罪祖宗朕不敢赦其應被朱泚脅從將士官
吏百姓及諸邑人等有遭其扇誘有迫以兇威苟能

自新理可矜宥但官軍未到京城以前能去逆効順
及散歸本道者並從赦例原免一切不問天下左降
官即與量移近處已量移者更與量移流人配隸及
罰鎮効力并緣罪犯與諸使驅使兼別敕官諸州縣
安置及得罪人家口未許歸者一切放還應先有痕
累禁錮反逆緣坐承前恩赦所不該者並宜洗雪亡
官失爵放歸勿齒者量加收叙人之行義或未必兼
構大廈者方集於群材建奇功者不限於常檢苟在
適用則無棄人况黜免之沈鬱頤久朝過夕用勿
拘常例諸軍諸道赴奉天及進收京城將士等或百
戰摧敵或萬里勤王扞固金城驅除大憝赴危難者
其節著復社稷者其業崇我圖爾功特加彙典錫名
疇賦永永無窮宜並賜名奉天定難功臣身有過犯
遞減罪三等子孫有過遞減罪二等當戶應有差科

使役一切蠲免其功臣已後雖衰老疾患不任軍旅當分糧賜並宜全給身死之後十年仍廻給家口其有食實封者子孫相繼代代無絕其餘叙錄及功賞條件待收京日並准去年十月十七日十一月十四日敕處分諸道諸軍將士等久勤扞禦累著功勳方鎮克寧惟尔之力其應在行營者並超三資與官仍賜勳五轉不離鎮者依資與官賜勳三轉其累加勳許廻授周親内外文武官三品已上賜爵一級四品已下各加一階仍並賜勳兩轉見危致命先哲攸貴掩骼埋胔禮經所先雖效用而或殊在惻隱而何問諸道兵士有死王事者各委所在州縣急遞送歸本管官為葬祭其有因戰陣殺戮及擒獲伏辜暴骨鄉原者並委所在逐近便收葬應緣流貶及犯罪未葬者並許其家各據本官品以禮收葬自頃軍旅所給

賦役繁興吏因為姦人不堪命咨嗟怨苦道路無聊况可小康與之休息其墊陌及稅間架竹木茶漆榨鐵等諸色名目悉宜停罷京畿之內屬此寇戎攻劫焚燒靡有寧室王師仰給人以重勞特宜減放今年夏稅之半朕以兇醜犯闕遽用于征爰度近郊息駕茲邑供儲克辦師旅攸寧式當褒旌以志吾過其奉天宜昇為赤縣百姓並給復五年尚德者教化之所先求賢者邦家之大本永言茲道夢想增懷而澆薄之風趨競不息幽棲之士寂寞無聞蓋誠所未孚故求之不至天下有隱居行義才德高遠晦跡立園不求聞達者委所在長吏具名聞奏當備禮邀致諸色人中有賢良方正直言極諫及博通墳典達於教化并識洞韜畧堪任將帥者委常參官及所在長吏聞薦天下孤老鰥孤孀獨不能自活者並委州縣長吏

皇事優卹其有年九十已上者刺史縣令就門存問
義夫節婦孝子順孫旌表門閭終身勿事大兵之後
內外耗竭食省用宜自朕躬朕當節乘輿之服御
絕宮室之華飾率已師儉爲天下先諸貢獻自非供
宗廟軍國之用一切並停應內外官有冗員及百司
不急之費委中書門下即商議條件停減奏聞布澤
行賞抑惟舊章今以餘孽未平帑藏空竭有乖慶賜
深愧于懷赦書有所未該者所司類例條件聞奏

貞元改元太赦

門下王者體元立極欽若乎天地纂業承統嚴奉于
祖宗用能百神允諧兆庶永賴立國之本斯其大經
朕燭理不明違道招損往道多難淪陷國都天地宗
祧曠而莫主則是欽若嚴奉之義缺矣甚用懼焉自
復京師遽將告謝有司以人力耗斲禮物廢隳日居

月諸歲幸云暮卜其吉日俯在上春齊心永懷坐以
待曙而百辟卿士抗疏上言咸謂人心未寧不足以
盡敬寇孽猶在不足以告功迫於群情俯抑誠願郊
廟孔邇瞻言莫從悼心慚顏胡寧自處重以和平未
洽災沴荐臻去歲旱蝗兩河爲甚人流不息師出靡
居加之以徵求因之以荒饑困窮殍餒轉死丘墟關
輔之間冬無積雪土膏未發宿麥不滋詳思咎徵有
爲而致兵戎之後餘糧尚存獄犴之中深寃未釋又
河中淮右逆將阻兵汙脅齊人陷之死地雖欲自雪
厥路無由抱義銜寃足傷和氣此皆由朕爽德播災
于人爲之父母實用愧耻今玄陰已謝春日載陽勾
萌畢伸幽蟄咸震思與海內同心自新發號更元用
符天意宜改興元二年爲貞元元年自正月一日昧
爽已前大辟罪已下已發覺未發覺已結正未結正

繫囚見徒罪無輕重咸赦除之先准勅令量移收叙人所司據節文速與處分應河中脅從將士多是奉天赴難功臣本居朔陲夙尚忠節豈以一夫註誤棄其累代勲庸朕於此軍尤所不忍特宜洗滌以待初誠自非與官軍決戰死於鋒刃其餘雖臨陣擒獲亦從釋放棄逆歸順者在身先有官爵實封一切如舊仍准前後勅所在便給賞錢并與甄叙如有因危勅節建立殊庸量其事績特加獎擢李懷光若能翻然悔過束身赴朝念其嘗有大勲必當終始全護仍准前勅授之官封朕於功臣庶亦無負准西將吏百姓等皆被刳制久為匪人詢事原情諒其獲已今王師四合計日誅夷玉石俱焚用增惻憫宜令諸道進軍之日唯存首惡一人自餘徒黨悉從原宥如有歸順及立功者並准河中將士例褒獎夫為國之要在於

審官共理分憂守宰彌切闔境性命繫乎其人將使里閭無愁苦之聲風俗興廉讓之教得不慎東髦彥寄之化源自今已後諸州刺史有關中書門下於朝官中精擇有理人才術者授之如刺史縣令在任額年課績尤異者擢授侍郎給舍郎官御史中外迭處用觀其能賞罰必行期於競勸自頃選曹署吏唯以善判求人務騁浮華莫稽實行且能言者不必適用蘊用者或未能言凡為擇人其在精覈宜令清資常叅官每年於吏部選人中各舉所知一人堪任縣令錄事叅軍者所司依資叙注擬便於甲曆之內具標舉主名銜仍牒報御史臺如到任後政尤異者有贓犯事跡著明者所司錄舉官姓名聞奏以為褒貶其內外員及京城諸使名目委御史審勘會商量并省停減仍集百寮定議務從簡約息費使人其京官職

田及息利官錢等點吏詆欺移易疆畔或貧人轉徙捕繫親隣日月滋深耗弊彌甚亦令百寮議其折衷擇善而行往以賦役殷繁人不堪命定為兩稅事額易從比屬軍興或踰始制法無所守吏益為姦哀我勞人況可小息自諸道州府除兩稅外應有權宜料率差使一切悉停京畿及近縣所欠百姓和糴價直委度支即勘會支給諸道非臨寇賊州縣自冬已來點召官隸子弟並宜放散任營生業應經陷賊州縣百姓屋宇被焚毀并貧病老弱及遭傷損之類所量加優恤使得安存天下名山大川并自古聖帝明王賢臣烈士祠廟墳墓各委當處長吏擇日致祭必資精潔以達志誠班制有差所以序賢也廩秩有等所以明勸也今或高卑失序中外相踰至於卿士之家尚羅凍餒之患忠信重祿豈其然耶內外官祿及

俸錢手力雜給等委中書門下度支即叅詳定額聞奏應赴奉天及收城將士等並功存社稷節著艱危中心藏之豈忘酬報頃緣府藏空竭賞給未周乃眷勲臣實用增愧應准元勅合請賞錢人委所司節減在官及百司費用據所有財物速與給付應在京城及諸道立功將士等先有詔旨並許甄外所司勘會淹歷時月委中書門下即准元勅處分諸軍行營并河中朝邑被脅從將士家口在京及諸州府者宜令本道節度觀察使安存賑恤各令優給應諸軍使立仗見在城將士等共賜七萬匹制書有未該備所司遠皆類條件聞奏敢以故前事相言告者以其罪罪之亡命山澤挾藏軍器百日不首復罪如初赦書日行五百里遞遞咸知

奏類

明堂戶令奏

魏相

臣相幸得備負奉職不修不能宣廣教化陰陽未和
災害未息咎在臣等臣聞易曰天地以順動故日月
不過四時不忒聖王以順動故刑罰清而民服天地
變化必繇陰陽陰陽之分以日爲紀日冬夏至則八
風之序立萬物之性成各有常職不得相干東方之
神太昊乘震執規司春南方之神炎帝乘離執衡司
夏西方之神少昊乘兌執矩司秋北方之神顓頊乘
坎執權司冬中央之神黃帝乘坤艮執繩司下土茲
五帝所司各有時也東方之卦不可以治西方南方
之卦不可以治北方春與兌治則饑秋與震治則華
冬與離治則泄夏與坎治則雹明王謹于尊天慎于
養人故立羲和之官以乘四時節授民事君動靜以
道奉順陰陽則日月光明風雨時節寒暑調和三者

得叙則災害不生民不夭疾衣食有餘若是則君尊
民說上下亡怨禮讓可興風雨不時則傷農桑農桑
傷則民飢寒飢寒在身則亡廉耻寇賊姦宄所繇生
也臣愚以爲陰陽者王事之本羣生之命自古賢聖
未有不繇者也天子之義必純取法天地而觀於先
聖高皇帝所述書天子所服第八曰大謁者臣章受
詔長樂宮曰令羣臣議天子所服以安治天下相國
臣何御史大夫臣昌謹與將軍臣陵太子太傅臣通
等議春夏秋冬天子所服當法天地之數中得人和
故自天子王侯有土之君下及兆民能法天地順四
時以治國家身亡禍殃年壽永究是奉宗廟安天下
之大禮也臣請法之中謁者趙堯舉春李舜舉夏兒
湯舉秋貢禹舉冬四人各職一時大謁者襄章奏制
曰可孝文皇帝時以二月施恩惠於天下賜孝弟力

由及罷軍卒祠死事者頗非時節御史大夫朝錯時
為太子家令奏言其狀臣相伏念陛下恩澤甚厚然
而災氣未息竊恐詔令有未合當時者也願陛下選
明經通知陰陽者四人各主一時時至明言所職以
和陰陽天下幸甚相數陳便宜上納用焉

奏記詣蔣公文

阮嗣宗

藉死罪死罪伏惟明公以含一之德據上台之位羣
英翹首俊賢抗足開府之日人人自以為揚緇屬辟
書始下下走為首子夏處西河之上而文侯擁篲鄒
子居黍谷之陰而昭王陪乘夫布衣窮居韋帶之士
王公大人所以屈體而下之者為道存也藉無鄒卜
之德而有其陋猥煩大禮何以當之方將耕於東皇
之陽輸黍稷之稅以避當塗者之路負薪疲病足力
不疆補吏之日非所克堪乞廻謬恩以光清舉

畋獵奏

魏徵

臣聞書美文王不敢盤于遊畋傳述虞箴稱夷羿以
為誡昔漢文臨霸坂欲馳下表盎攬轡曰聖主不乘
危不徼幸今陛下騁六飛馳不測之山如有馬驚車
覆陛下縱欲自輕柰高廟何孝武好格猛獸相如進
諫力稱烏獲捷言慶忌人誠有之獸亦宜然卒遇逸
材之獸駭不存之地雖烏獲慶忌之技不得用而枯
木朽株盡為難矣雖萬全而無患然本非天子所宜
近孝元郊泰畋因留射獵薛廣德奏稱竊見關東因
極百姓罹灾今日撞亡秦之鍾歌鄭衛之樂士卒暴
露從官勞倦欲安宗廟社稷何憑河暴虎來之比也
臣竊思此數帝心豈木石獨不好馳騁之樂而剖情
屈已從臣下之言者志存為國不為身也臣伏聞車
駕近出親格猛獸晨去夜還以萬乘之尊闇行荒野

踐深林步豐草甚非萬全之計願陛下割私情之娛
罷格獸之樂上為宗廟社稷下慰羣寮兆庶也

教類

為宋公修張良廟教

傳季友

網紀夫盛德不泯義存祀典微管之歎撫事彌深張
子房道亞黃中照隣殆庶風雲玄感蔚為帝師夷項
定漢大拯橫流固已參軌伊望冠德如仁若乃神交
圯與上道契商洛顯默之際音然難究淵流浩瀆莫
測其端矣塗次舊沛佇駕留城靈廟荒頽遺像陳昧
撫跡懷人永歎寔深過大梁者或佇想於夷門游九
原者亦流連於隨會擬之若人亦足以云可改構棟
宇脩飾丹青蘋繁行潦以時致薦抒懷古之情存不
刊之烈主者施行

修楚元王墓教

傳季友

網紀夫襄賢崇德千載彌光尊本敬始義隆自遠楚
元王積仁基德啓蕃斯境素風道業作範後昆本支
之祚實隆鄙宗遺芳餘烈奮乎百世而丘封翳然墳
塋莫翦感遠存往慨然永懷夫愛人懷樹甘棠且猶
勿翦追甄然墟墓信陵尚或不泯況瓜瓞結所興開
源自本者乎可獨復近墓五家長給灑掃便可施行

